

Chú Chàiâm ê Òngún

3 Chhinài ê hiaⁿtī chímōe, góa chit^{má} siá hō lín ê sī tē jī tiuⁿ phoe. Chit nng tiuⁿ phoe lóng sī beh thêchhéⁿ lín, lâi kek khí lín chinsêng ê sim, ² thang hō lín ē kítit sèng tãigiânjîn số kóng ê òe, íkíp KiùChú thongkòe I ê sùtô số thoân hō lín ê bēnglēng. ³ Siōng iàukín ê sī, lín tiòh chai, tī boátjít, ũ chít^{kó}a bú^{bān} ê lāng ē chhuthiān, in hòngchhiòng suiók, koh sauchhiò lín, ⁴ kóng, "Chú beh chàiâm ê òngún tī tóuī? Lán ê chósian lóng íkeng sí khi à, m̄ koh, tui chhòngsè ílâi, bānmih lóng iásūi kàngkhoán." ⁵ In thiaukòe bē kítit chitê sūsit, iā tòh sī thongkòe SiōngChú ê òe, chū thàikó ílâi tòh ũ thiⁿ, mā ũ tui chúi nìh seng khí lâi, koh sùu lóng hō chúi pauuī ê tē; ⁶ thongkòe SiōngChú ê òe, tongsī ê sèkài inūi tōa chúi hoànlām lâi biátbô. ⁷ M̄ koh, chit^{má} ê thiⁿ kah tē mā sī thongkòe SiōngChú ê òe siū póliú lóh-lâi, ittít kàu hiahê bô kèngkhiân ê lāng siū símphòⁿ kah biátbông ê jítchí, chiah ē ēng hóe siobiát.

⁸ Chhinài ê hiaⁿtī chímōe, ũ chít hāng tãichì chhiáⁿ lín m̄ thang bē kítit, tòh sī tī Chú ê gántiong, chít jít ná chhinchhiūⁿ chít chheng nî, chít chheng nî ná chhinchhiūⁿ chít jít. ⁹ Ū lāng jīnūi Chú teh iānchhiân I ê òngún, kítit I m̄ sī iānchhiân, khiok sī teh khoaniông lín; inūi I bô ài ũ lāng biátbông, sī ài tak lāng lóng hóekái.

¹⁰ M̄ koh, Chú ê jít ē chhinchhiūⁿ chhát hutjiân lĩmkàu. Tī hit jít, cheng thiⁿ ē tī tōa hiángsiaⁿ tiong siausit, thianthé ē hō hóe sio iūⁿ, tē kah kítiong ê bānmih mā lóng ē pī siochīn. ¹¹ Bānmih kijiân lóng ē áⁿne siausit, lín engkai tiòh chiáⁿchò siáⁿ khoán ê lāng? Lín engkai tiòh kòe sèngkiat koh kèngkhiân ê sengoáh, ¹² lâi thèng^{hāu} koh chinsim òngbāng SiōngChú ê jít kóⁿkin kàu. Tī hit jít, cheng thiⁿ ē hō hóe siaubiát, thianthé mā ē hō hóe sio iūⁿ. ¹³ M̄ koh, lán chiàu SiōngChú số òngún ê, teh thèng^{hāu} sin thiⁿ kah sin tē, tī hia ũ éngóan ê konggī.

主再臨 ê 應允

3 親愛 ê 兄弟姊妹，我 chit^{má} 寫 hō lín ê 是第 二張 phoe。Chit 兩張 phoe lóng 是 beh 提醒 lín，來激起 lín 真誠 ê 心，² thang hō lín ē 記得聖代人所講 ê 話，以及救主通過祂 ê 使徒所傳 hō lín ê 命令。³ Siōng 要緊 ê 是，lín tiòh 知，tī 末日，有一 kóa 侮慢 ê 人 ē 出現，in 放縱私慾，koh 嘲笑 lín，⁴ 講：「主 beh 再臨 ê 應允 tī tó 位？咱 ê 祖先 lóng 已經死去 à，m̄ koh，tūi 創世以來，萬物 lóng iáu 是全款。」⁵ In thiau 故意 bē 記得 chitê 事實，也 tòh 是通過上主 ê 話，自太古以來 tòh 有天，mā 有 tui 水裡升起來，koh 四圍 lóng hō 水包圍 ê 地；⁶ 通過上主 ê 話，當時 ê 世界因為大水氾濫來滅無。⁷ M̄ koh，chit^{má} ê 天 kah 地 mā 是通過上主 ê 話受保留落來，一直到 hiahê 無敬虔 ê 人受審判 kah 滅亡 ê 日子，chiah ē 用火燒滅。

⁸ 親愛 ê 兄弟姊妹，有一項 tãichì 請 lín m̄ thang bē 記得，tòh 是 tī 主 ê 眼中，一日 ná 親像一千年，一千年 ná 親像一日。⁹ 有人認為主 teh 延 chhiân 祂 ê 應允，其實祂 m̄ 是延 chhiân，卻是 teh 寬容 lín；因為祂無 ài 有人滅亡，是 ài tak 人 lóng 悔改。

¹⁰ M̄ koh，主 ê 日 ē 親像賊忽然臨到。Tī hit 日，眾天 ē tī 大響聲中消失，天體 ē hō 火燒熔，地 kah 其中 ê 萬物 mā lóng ē 被燒盡。¹¹ 萬物既然 lóng ē áⁿne 消失，lín 應該 tiòh 成做啥款 ê 人？Lín 應該 tiòh 過聖潔 koh 敬虔 ê 生活，¹² 來 thèng 候 koh 真心 òng 望上主 ê 日趕緊到。Tī hit 日，眾天 ē hō 火消滅，天體 mā ē hō 火燒熔。¹³ M̄ koh，咱照上主所應允 ê，teh thèng 候新天 kah 新地，tī hia 有永遠 ê 公義。

準備接受基督再臨 ê 審判

Chúnpī Chiapsiū Kitok Chàilím ê Símphòanⁿ

14 Sớ, chhinài ê hiaⁿtī chímōe, lín kijiân teh thèng hâu chiahe tâichì, lín tòh engkai chīnlék tuikiû sèngkiat, kòe bô khoattiám ê sengoáh, thang anjiân kìⁿ Chú. 15 Lín tiòh kā lán ê Chú ê khoaniông khòⁿ chò sī titkiù ê kihōe, tú chhinchhiūⁿ lán chhinài ê hiaⁿtī Páulô, i ēng SiōngChú siúⁿsù hō i ê tìhūi, siá phoe hō lín ê sī mā ū ánne kā lín khoànbíán. 16 I tī sōū ê phoesìn lóng ū thêkhí chiahe tâichì. Phoe tióng ū chitkóa ohtit liáu kái ê sóchāi, hō hiahê bûti kah sìngióng bô kiantēng ê láng khiokkái, tú chhinchhiūⁿ in khiokkái kíttha ê kengbûn kângkhoán, kiátkó sī in kakī tìkàu tìmlún.

Kiatbóe ê Kàsī

17 Sớ, chhinài ê hiaⁿtī chímōe, lín kijiân sūsian chai chiahe tâichì, lín tòh engkai kínsin thêhông, biántit hō hiahê pháinⁿ láng ēng chhògō ē giânlūn bêhék, soah līkhui kakī kiankò ē sìngióng. 18 Lín tiantò tiòh tī lán ê KiùChú Iésu Kitok ê intián kah tùi I ê jīnbat tióng kèsiók sēngtióng. Goān êngkng kui tī I, tùi chit má tìkàu éngoán! Amen!

14 所以，親愛 ê 兄弟姊妹，lín 既然 teh thèng 候 chiahe tâichì, lín tòh 應該盡力追求聖潔，過無缺點 ê 生活，thang 安然見主。 15 Lín tiòh kā 咱 ê 主 ê 寬容看做是得救 ê 機會，tú 親像咱親愛 ê 兄弟保羅，伊用上主賞賜 hō伊 ê 智慧，寫 phoe hō lín ê 時 mā 有 ánne kā lín 勸勉。 16 伊 tī 所有 ê phoe 信 lóng 有提起 chiahe tâichì。Phoe 中有一 kóa oh 得了解 ê 所在，hō hiahê 無知 kah 信仰無堅定 ê 人曲解，tú 親像在曲解其他 ê 經文全款，結果是 in kakī 致到沉淪。

結尾 ê 教示

17 所以，親愛 ê 兄弟姊妹，lín 既然事先知 chiahe tâichì, lín tòh 應該謹慎提防，免得 hō hiahê pháinⁿ 人用錯誤 ê 言論迷惑，soah 離開 kakī 堅固 ê 信仰。 18 Lín 顛倒 tiòh tī 咱 ê 救主耶穌基督 ê 恩典 kah 對祂 ê 認 bat 中繼續成長。願榮光歸 tī 祂，tùi chit má 直到永遠！阿們！